

本校沿革概述 陳汝銳 一九四〇年六月

本校開辦於民國十一年二月十六日。當時係購買跑馬地布律活臺第一號屋，兼租第二號屋為校址；地方無多，規模狹小。先是，由前嶺南大學校長鍾榮光先生發起，乃鑒於舊同學居港者日眾，其子弟及親友之年長者，可以直接來廣州母校肄業，其年稚者雖有就讀嶺南之志，而道途遙遠，探訪維艱，每苦有志莫逮，所以感覺到有在香港設立小學之必要。-- 此本校創立之緣起也。

其始，由鍾校長聯合駐港舊同學陳秋安，陳符祥，劉季焯諸先生，及本港紳商李星衢先生，李自重先生，莫幹生先生，李榮光先生，及吳天保醫生等，組織校董會主持一切開辦事宜。其經費悉由校董墊支。輸財輸力，經營數月，始底於成，可見締造之維艱，而創建之匪易！此時司徒衛校長方由歐洲返國，船期延宕，至二月十九日乃克抵港，未及趕回開學。故二月十九日前關於創校及開學事，悉由母校前附小主任楊君國荃代司徒校長執行。是以言創辦之經過，楊君當知之較詳；本文所述，僅其梗概。茲將第一學期教職員人名表列於後，俾知學校開始時主持校務教授之人物 -- 校長司徒衛，監學楊煜樞，保姆唐麗霞，司庫陳符祥，校醫吳天保，教員格馬利，梁海生，張繼英，彭沛然，梁惠勤，共成十人之數。

學校開始時，僅有學生六十六名。經過二年之後，人數增加，尤以寄宿生來學日眾，非布律活台之校址可能容納，乃商量遷校。適鳳輝台有新屋招租，遂租第四第五號屋二間為校舍。於民國十三年三月遷入開課，仍不敷用，又租七號屋樓下一層，並裕光台十一號二三樓兩層為寄宿舍。此時全校學生已達一百四十餘人，教職員亦有增加，規模漸大；體育場，閱書報室，禮堂俱備，迥非布律活台時代可比。雖然所謂禮堂者，乃利用屋頂設一活動大布幕而成，但因陋就簡，甚適於用。而鳳輝台尚有空地甚廣，圍以鐵網，可作良好之足球場及網球場。課餘之暇，靡特員生嬉遊其間，甚以為樂，即學生家長亦常到擊球，殊覺融洽也。

同時因屋租昂貴，並有時時加租及迫遷之虞，為謀發展及安定起見，不得不另謀一永久之地址。適售去布律活台第一號屋，畧有贏餘，於是購地築校之舉，愈覺不容稍緩。經過一年之選擇，乃於民國十四年四月三日，向港政府投得雞籠環山地六萬餘方呎以為校址。是地風景幽美，面臨大海，兼有沙灘浴場，學生每於週末輒旅行到新校址，游泳為樂。是時計劃如何興築，忙個不了，全校歡欣，喁喁然成望新校之早日落成，不料霹靂一聲，香港大罷工事起，建校之舉，卒成畫餅，此則非初意所及料也。

民國十四年夏，香港大罷工，港地各學校均提前放暑假，本校亦於六月初停課。但九月仍得依期開學，誠屬厚幸。返回內地之職教員，多方設法回校，均因道路阻梗，難以通行；有繞道上海而至者，可見當時之難苦。然皆逾期回校。幸得未嘗離港之職教員努力維持，而教務遂得以進行不輟。經此事變影響之後，學主人數畧減，乃縮小範圍，將七號屋樓下，及裕光台之宿舍取消，以資節省。最可惜者，建欲新校之舉，因環境之不許可，竟擱置不談，直至二年之後，仍未能見諸實行。依照香巷購地條例，雞籠環之校地，遂為港政府收回矣。

民國十五十六兩年，校務如常進行。至十七年鳳輝台五號屋易主，不能繼續租賃，遷校之議又起。其實附近之新建築物，正如雨後春筍，逐日增加。昔之荒園廢地，皆變成大廈渠渠。幽靜之區，漸覺喧闐。本校實逼處此，雖屋主無變易，亦以遷地為良。後經校董林護先生之介紹和指導，及校董余仕榮先生之助，遂租得司徒拔道現有之校址為校址。於十七年二月遷入開課，租值不昂，而荒涼特甚，幾經修理佈置之後，始覺適宜。

該地處山谷間，樹木尤美，又有廣闊之球場，優美之園地。學生遷居來此，忽覺環境一新，脫離地方狹仄之苦，有如海濶天空。遂益致力於體育。更得司徒光先生擔任指導，是年冬在南華運動大會，遂獲得小學組冠軍，殊足以資鼓舞矣。

嗣是之後，學校基礎漸臻穩固。各級生程度劃一，體魄健康，尤屬可喜。校務由此遂得以逐漸發展。計此時全校共有學生六班：小學卻由二年級至六年級共五班，初中一年級一班。至於課程則與母校所辦各附校無異，茲不復贅。而每年畢業，升入母校附中學生，約有三十名左右。如是繼續四年有餘，進行頗覺順利。直至二十二年五月七日得購買現址為永久校址。誠以經過四年之後，愈覺此地之良好。關於衛生，居住，交通，及環境等，均認定為甚適合於教育焉。

民國廿二年為開校以來之第十一週年。是時國內學校對於升入中等學校學生，取錄甚嚴，非經立案學校畢業及無學歷學生，均不容易取錄。因此本校不得不急急於立案。乃請諸母校秘書處，代為就近辦理。章蒙廣來省政府教育廳迅予批准。是年七月十七日准予立案。翌年八月廿五日頒發校鈴及校董會鈴記。從此本校學生升學，視前為易。惟遵照廳令，祇許設立完全小學，遂將初中一年級取銷，以符學制。由是年起，學校仍分為六級，由小學一年起至小學六年級止。

民國廿六年抗戰軍興以後，本校校務畧有興革。是年秋因來學者眾，並為收容各附校轉學生起見，四五六年級均分設甲乙班。廿七年秋三年級亦分甲乙，並停辦一年級，以廣收容，蓋來學者多屬二年級以上學生，一年級生甚少故也。此屬暫行辦法，僅應目前需要而已。又母校附設中學，於廿七年秋借本校課室開設通學部，分初中一年二年兩級。後以人數太少，至廿八年秋即告停辦。

民國廿八年十一月廿五日，本校舉行新校舍落成典禮。是日舉校騰歡，來賓甚眾。同人等希望有一正式禮堂及寬濶之課室，垂十餘年，今積年願望，償諸一旦，喜可知也。而舊生咸聯袂回校慶祝，並有獻花，贈旗，捐欸購物，以表賀忱而留紀念者。諸生對於母校之熱情，殊足感佩。

原新校舍之建集，本校久有此意，適附中借本校開設通學部，而又苦無地方足供應用，乃設計建一臨時課室於校之左便空地，此廿七年夏間事也。圖式具備，本可刻日興工，不意為建築條例所限，久未得工務司允許，遂日延一日，無從著手，及至取得建築照時，通學部又因學生太少故，無意進行。因此畧變方針，立將圖式添改，使適於本校發展之用。統計由始至終，歷時一年又三月乃克告成。非工程濡滯，乃因更改圖式，候領執照，多費時日也。

回顧本校發展程序，直至現在止，可分為三時期，-- 以布律活台時代為第一期，風輝台時代為多二期，由遷校至司徒拔道起至建築禮堂也為第三期。-- 皆循序漸進，不疾不徐，祇港中罷工時間，畧見退步耳。前後此較，由學生六十六人增至二百九十七人，教職員由十人增至二十二人。全校現分九班，級數五。校址佔地十三萬八千餘方英尺。現在所利用者僅佔地三分之二強。將來第四期之如何發展，當俟諸事實之表現，非本文所得預言矣。